

STS.1 Examinar las basas naturalas da la terra

◀ Cumpetenzas precedentas: NUS.4.4

2. Las scolaras ed ils scolars san analisar l'aura ed il clima.

renviaments

Geografia: aura e clima

STS.1.2 Las scolaras ed ils scolars ...

3 ●	a	» san descriver differentas zonas da cuntrada ed attribuir ad ellas las basas climaticas ch'en caracteristicas per ellas (p.ex. diagrams climatics). zona fraida, zona temprada, zona subtropica e zona tropica; stgalims d'autezza; posizion continentala ed oceanica	
	b	» san denominar constellaziuns generalas da l'aura e vasts sistems da vent e declarar las auras tipicas che resultan da quels. circulaziun tropica; constellaziuns generalas da l'aura en l'Europa: favugn, curs da la front, bisa	
	c	» san s'infumar davart la midada dal clima, declarar motivs e giuditgar ils effects da la midada dal clima per differentas regiuns dal mund, en spezial da la Svizra (p.ex. regress dals glatschers: senda instructiva davart ils glatschers devant il vadretg da Morteratsch, vaschs da glatschers a Malögia, sdregliada da la schelira permanenta, institut federal per la perscrutaziun da naiv e da lavinas). effect da serra; eveniments extremos: auas grondas	
	d	» san declarar la situaziun actuala cun il svilup dal clima sco era formular contribuziuns per limitar la midada dal clima en il futur.	FSP - Ambient natural e resursas



Exempel da planisaziun

Referiments tranter geografia ed istorgia

Sche geografia ed istorgia vegnan instruidas a moda parallela, èsi pussaivel da far referiments tranter quests dus roms. En la tabella qua sutvar vegnan documentads quests referiments sco puncts cuminaivels da contact, e quai supponind che las cumpetenzas dal plan d'instrucziun tar ils champs tematics proponids vegnan resumadas. En quest connex stoi vegnir resguardà che la proposta d'instrucziun è mo ina da las variantas pussaivlas. Ultra da quai davanti evident che pliras cumpetenzas vegnan pretendidas e promovididas tar ils champs tematics respectivs e che plirs stgalims da cumpetenza vegnan pledads per regla en las differentas lecziuns.

Tabella 1: Referiments tranter geografia ed istorgia

Geografia	Puncts cuminaivels	Istorgia
7. classa	(1) Il tema <i>cuntradas</i> permetta da far connexs cun fenomens da la <i>natura</i> (GG) e cun midadas en il temp (IST).	Istorgia en mes conturns (1) Istorgia da scola, istorgia da mintgadi; biografia; survista da las epochas; STS 5.3, 6.1, 7.1, 7.2, 7.3
	(2) L'Europa na po betg mo vegnir structurada e descritta geograficament, mabain er ordinada e caracterisada istoricamente.	Cumenzament dal temp modern (1) Expansiun europeica, refurmaziun, absolutissem, Revoluziun franzosa STS 5.1, 6.1, 6.2, 7.2, 8.2
	(3) Il tema <i>convivenza</i> ha in connex cun dumondas che concernan la <i>populaziun</i> (GG: Europa) e possibilitescha referiments a la structura politica da la Svizra (IST).	La Svizra en l'Europa revoluziunara (2) Helvetica, stadi federal, nazion; libertad, egualidad, constituziun, separaziun da las pussanzas STS 5.1, 5.3, 6.2, 7.1, 8.1
	(4) <i>Mobilidad e fugia</i> en differentas regiuns dal mund pon vegnir tematisadas or d'ina perspectiva geografica ed istorica.	Convivenza en Svizra (3, 7) Democrazia, suveranidad dal pievel, iniziativa, referendum, partidas, federaziuns STS 5.2, 8.1, 8.2
8. classa	(5) Il tema <i>producziun, consum, commerzi</i> possibilitescha da far referiments a la midada structurala ed a la vita cun revoluziuns tecnicas.	Viver cun revoluziuns tecnicas (5) Industrialisaziun, dumondas socialas, lavur d'uffants en Svizra e sin il mund STS 5.2, 5.3, 6.2, 7.1
	(6) La <i>globalisaziun</i> n'ha betg mo motivs e consequenzas pertutgant il spazi, mabain er dimensiuns istoricas.	Imperialissem ed Emprima Guerra mundiala (5) Imperialissem, colonialissem, naziunalissem, 1. Guerra mundiala STS 6.2, 7.2
	(7) <i>Sfidas dal futur</i> pon vegnir contempladas sut las perspectivas las pli differentas.	Temp tranter las guerras (4) Crisas economicas, faschissem, communissem, discriminaziun STS 5.1, 5.2, 6.3, 8.2
	(8) Ils <i>dretgs umans</i> èn in tema importtant en bleras regiuns dal mund.	La Segunda Guerra mundiala e la Svizra (4) Epoca dals extremes, fugia, holocaust, dignitat humana, ONU, neutralidad STS 5.1, 6.3, 7.2, 8.2, 8.3
9. classa		L'Europa dividida ed unida (6, 7) Guerra fraida, conjunctura auta, moviment d'indipendenza, intervista da perditgas dal temp, Cussegli da l'Europa, OSCE STS 5.2, 5.3, 6.3, 7.3, 8.3
		Istorgia contemporana (6) Globalisaziun, guerra civila, terrorissem, fugia, migraziun STS 5.1, 5.3, 6.3, 7.3, 8.3
		La Svizra: ina societad moderna (7) Giusticia, curaschi civil, federalissem, democracia directa, relaziun Svizra - Europa STS 5.2, 5.3, 6.3, 7.1, 7.2, 7.3, 8.1, 8.3
		Democrazia e dretgs umans (8) Constituziun, separaziun da las pussanzas, dretgs fundamentals, dretgs umans, dignitat humana STS 8.1, 8.2, 8.3